

ხელშეკრულება #81

(სახელმწიფო შესყიდვების შესახებ)

თბილისი

“ 23 ” “ იანვარი ” 2024 წ.

ერთის მხრივ, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი (შემდგომში “შესყიდველი”) გენერალური დირექტორის მოადგილე ტარიელ ჭანტურიძე და მეორეს მხრივ, ა(ა)იპ „ჩოხატაურის მუნიციპალიტეტის საზოგადოებრივი ჯანდაცვის ცენტრის“ (შემდგომში “მიმწოდებელი”) დირექტორი ნატო ჯიბუტი ვაფორმებთ წინამდებარე ხელშეკრულებას შემდეგზე:

1. ხელშეკრულების საფუძველი

- 1.1 „საქართველოს 2024 წლის სახელმწიფო ბიუჯეტის შესახებ“ საქართველოს კანონი.
- 1.2 “2024 წლის ჯანმრთელობის დაცვის სახელმწიფო პროგრამების დამტკიცების შესახებ“ 2023 წლის 29 დეკემბრის საქართველოს მთავრობის N529 დადგენილება (შემდგომში „დადგენილება“) შესაბამისად.
- 1.3 „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის “დ” ქვეპუნქტი.
- 1.4 „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანება.
- 1.5 „ეპიდზედამხედველობის“ სახელმწიფო პროგრამა ”რეგიონულ და მუნიციპალურ დონეზე არსებული სჯდ ცენტრებისთვის ეპიდზედამხედველობის, იმუნიზაციისა და სამედიცინო სტატისტიკის ღონისძიებათა ფარგლებში მომსახურების დაფინანსებისთვის“ კომპონენტი.
- 1.6 „აღმასრულებელი ხელისუფლების დაწესებულებების მიერ ერთჯერადი გამოყენების, სწრაფცვითადი საგნების, ფარმაცევტული და კვების პროდუქტების კერძო და საჯარო სამართლის იურიდიული პირებისათვის ან/და ადმინისტრაციული ორგანოებისათვის მოხმარების მიზნით გადაცემის შესახებ“ 2011 წლის 20 ივლისის #285 საქართველოს მთავრობის დადგენილება.
- 1.7 “C ჰეპატიტის მართვის სახელმწიფო პროგრამის დამტკიცების შესახებ“ საქართველოს მთავრობის 2015 წლის 20 აპრილის N169 დადგენილება.

2. ხელშეკრულების საგანი

2.1 ”ეპიდზედამხედველობის“ სახელმწიფო პროგრამის, ”რეგიონულ და მუნიციპალურ დონეზე არსებული სჯდ ცენტრებისთვის ეპიდზედამხედველობის, იმუნიზაციისა და სამედიცინო სტატისტიკის ღონისძიებათა ფარგლებში მომსახურების დაფინანსების“ კომპონენტისა და „საზოგადოებრივი ჯანმრთელობის სისტემის განმტკიცება, არსებულ საფრთხეებზე რეაგირებისა და მზადყოფნის გაძლიერება“ ქვეკომპონენტის ფარგლებში გათვალისწინებული მომსახურების შესყიდვა, (CPV 85140000, SMP230003209).

3. ხელშეკრულების საერთო ღირებულება

- 3.1. ხელშეკრულების საერთო ღირებულებაა 8 700,00 (რვაათას შვიდასი) ლარი, მ.შ. ერთი თვის ინტერნეტ სერვისის ღირებულება შეადგენს არაუმეტეს 30 (ოცდაათი) ლარს, ერთი თვის ღირებულება შეადგენს 725,00 (შვიდასოცდახუთი) ლარი, რომელიც მოიცავს:
 - 3.1.1 სახელმწიფო პროგრამების ფარგლებში საქონლის ლოჯისტიკა და მათი ხარჯების აღრიცხვა/ანგარიშგებაზე 242 (ორასორმოცდაორი) ლარი;
 - 3.1.2. იმუნიზაციის პროცესის დაგეგმვა/მართვა/ანგარიშგება/მონიტორინგიზე 242 (ორასორმოცდაორი) ლარი;
 - 3.1.3. სახელმწიფო პროგრამების ეპიდემიოლოგიური მხარდაჭერა, მ.შ. დადასტურებული შემთხვევების კონტაქტების მოძიება და მართვა 241 (ორასორმოცდაერთი) ლარი;
- 3.2 დეკემბრის თვის ღირებულება შეადგენს 725,00 (შვიდასოცდახუთი) ლარი.

4. ხელშეკრულების ობიექტი

ხელშეკრულების ობიექტია:

- 4.1. ეპიდზედამხედველობის განხორციელება და სამედიცინო სტატისტიკური სისტემის მუშაობის უზრუნველყოფა რაც მოიცავს:
 - 4.1.1. სამოქმედო ტერიტორიაზე ეპიდზედამხედველობის განხორციელება და სამედიცინო დაწესებულებების მონიტორინგი გადამდებ და არაგადამდებ დაავადებებზე მონაცემთა ხარისხის უზრუნველსაყოფად. აღნიშნული საქმიანობის განსახორციელებლად, „მიმწოდებელი“ ვალდებულია მოქმედი კანონმდებლობის შესაბამისად, მუნიციპალური სჯდ ცენტრის (სამსახურის) და/ან ცენტრის უფლებამოსილ პირ(ებ)ს, მათი მოთხოვნის შესაბამისად, წარუდგინოს გადამდებ დაავადებებზე შესაძლო, სავარაუდო და დადასტურებული შემთხვევების შესახებ სამედიცინო დოკუმენტაცია;

4.1.2. სამოქმედო ტერიტორიაზე დამხმარე ზედამხედველობის (მონიტორინგის) წარმოებას, სამედიცინო სტატისტიკური ინფორმაციის შეგროვებას და წარდგენას სსიპ "ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის" შესაბამის რეგიონულ განყოფილებაში/სამმართველოში - გურიის განყოფილება.

4.1.3 სამედიცინო სტატისტიკური ინფორმაციის (მ.შ. სიკვდილის არაიდენტიფიცირებულ მიზეზთა შემთხვევების კვლევა ვერბალური აუტოფსიის მეთოდით) შეგროვება და წარდგენა რეგიონული სტატუსის მქონე სამსახურებში (გურიის განყოფილება) კანონმდებლობით დადგენილი წესით და პროცედურებით;

4.2. იმუნიზაციით მოცვის გაუმჯობესება საინფორმაციო სისტემისა და ლოჯისტიკის გამართული მუშაობის გზით:

4.2.1. სამოქმედო ტერიტორიაზე იმუნოპროფილაქტიკის დაგეგმვას, იმუნოპროფილაქტიკისათვის და მიმდინარე წლის ჯანმრთელობის დაცვის სახელმწიფო პროგრამების განსახორციელებლად საჭირო მასალისა და აღჭურვილობის აუცილებელი მარაგის ლოჯისტიკის განხორციელებაზე ზედამხედველობას „ცივი ჯაჭვის“ პრინციპების დაცვით, იმუნოპროფილაქტიკის (მ.შ. ცენტრის მიერ განხორციელებული ჯანმრთელობის დაცვის სხვა პროგრამების ფარგლებში ხარჯვის თაობაზე) ანგარიშგების წარმოებას და წარდგენას რეგიონული სტატუსის მქონე სამსახურებში (გურიის განყოფილება);

4.2.2. სამოქმედო ტერიტორიაზე ვაქცინების, შრატებისა და ასაცრელი მასალების გადაცემას ვაქცინებისა და შრატების მიმწოდებლად რეგისტრირებულ სამედიცინო დაწესებულებებზე, მას შემდეგ რაც განხორციელებენ აღნიშნული მიმწოდებლების მონიტორინგს "პროფილაქტიკური აცრების ეროვნული კალენდრის, იმ ინფექციური დაავადებების სიის, რომელთათვისაც სავალდებულოა პროფილაქტიკური აცრები და პროფილაქტიკური აცრების ჩატარების ასაკობრივი მაჩვენებლების, ვადებისა და იმუნიზაციის მართვის წესების დამტკიცების შესახებ" საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2019 წლის 16 სექტემბრის N01-60/ნ ბრძანებით განსაზღვრულ პირობებთან შესაბამისობის დადგენის მიზნით;

4.2.3 სამოქმედო ტერიტორიაზე „დედათა და ბავშვთა ჯანმრთელობის“ პროგრამის ანტენატალური მეთვალყურეობის კომპონენტის მიმწოდებელი სამედიცინო დაწესებულებებისათვის ცენტრიდან მიღებული ტესტებისა და სახარჯი მასალების გადაცემას, ასევე სკრინინგით საეჭვო დადებითი სისხლის შრატების მიღვენებას. ამასთან, მოთხოვნის შესაბამისად, „ბ“ ჰეპატიტის იმუნოგლობულინის გადაცემას სტაციონარული სამედიცინო დაწესებულებებისათვის, რომლებიც ახორციელებენ სამედიცინო მომსახურებას;

4.2.4 იმუნიზაციის პროგრამით გადაცემული ვაქცინებისა და ასაცრელი მასალების ხარჯვის თაობაზე სამედიცინო დაწესებულებებიდან მიღებული ინფორმაციის დადარებას და მონიტორინგს ჯანდაცვის ერთიანი ელექტრონული სისტემის იმუნიზაციის ელექტრონულ მოდულში ბენეფიციარებისათვის ჩატარებული გეგმური და არაგეგმური აცრების თაობაზე აღრიცხულ მონაცემებთან;

4.2.5 სამოქმედო ტერიტორიაზე სამსახურების მიერ იმუნიზაციის ლოჯისტიკისა და ექსპედიციის განხორციელების მონიტორინგს (დამხმარე ზედამხედველობა);

4.2.6 სამოქმედო ტერიტორიაზე იმუნიზაციის მართვის ელექტრონული მოდულის გამართული მუშაობის კოორდინაციას;

4.2.7. სამოქმედო ტერიტორიაზე მცხოვრები 5-დან 10 წლამდე ასაკის ბავშვების ჰელმინთოზების პროფილაქტიკური/სამკურნალო მიზნით დკსჯე ცენტრიდან მიღებული პრეპარატების მიწოდებას სკოლებისა და ბაღებისათვის, აღნიშნულ დაწესებულებებში სამიზნე კონტინენტის დეჰელმინთოზაციის უზრუნველსაყოფად (კონტინენტის არანაკლებ 75 %-იანი მოცვის უზრუნველყოფა), ასევე, სამკურნალო პრეპარატებით უზრუნველყოფას (უპირატესად ფასციოლოზის სამკურნალოდ) სამედიცინო დაწესებულების მიერ გაცემული ჯანმრთელობის მდგომარეობის შესახებ ცნობის (ფორმა №IV-100/ა) საფუძველზე მიუხედავად პაციენტის ასაკობრივი კატეგორიისა. ასევე, ჩატარებული სამუშაოების თაობაზე ანგარიშგებას;

4.3. რეგიონში შემაჯალ მუნიციპალიტეტებში მიმდინარე წლის ჯანმრთელობის დაცვის სახელმწიფო პროგრამების ფარგლებში განხორციელებული ღონისძიებებისთვის ეპიდზედამხედველობითი მხარდაჭერის უზრუნველყოფა, მ. შ.:

4.3.1. ცენტრის გენერალური დირექტორის ინდივიდუალური ადმინისტრაციულ-სამართლებრივი აქტით დამტკიცებული წესის შესაბამისად, შემდგომ დიაგნოსტიკურ კვლევებში ჩართვის მიზნით, C ჰეპატიტზე სკრინინგული კვლევით გამოვლენილი დადებითი შედეგების მქონე იმ ბენეფიციართა, რომელთაც C ჰეპატიტზე სკრინინგით დადებითი სტატუსი განესაზღვრათ 6 ან/და მეტი თვის წინ, იდენტიფიცირებულნი არიან C ჰეპატიტის სკრინინგის ერთიანი ელექტრონული სისტემის მეშვეობით, მაგრამ არა აქვთ ჩატარებული შემდგომი დიაგნოსტიკური კვლევები, მიღვენებასა და ზედამხედველობას;

4.4. „ტუბერკულოზის მართვის“ სახელმწიფო პროგრამის ეპიდზედამხედველობის კომპონენტის ფარგლებში:

4.4.1. ტუბერკულოზის ახლადგამოვლენილ შემთხვევათა კონტაქტების ეპიდკვლევას და დაავადებულთა კონტაქტების კვლევა სპეციალურად შემუშავებული კითხვარების მეშვეობით (კონტაქტირებულად ითვლება როგორც ოჯახური, ასევე სხვა ახლო კონტაქტში მყოფი პირები);

4.4.2. და შერჩეული გამოვლენილი კონტაქტების რეფერალს დადასტურებისა და შემდგომი მკურნალობისთვის გეოგრაფიული ხელმისაწვდომობის პრინციპით, შესაბამისი საინფორმაციო და საგანმანათლებლო სამუშაოს ჩატარების გზით (მ.შ. პაციენტთან ახლო კონტაქტში მყოფი პირების რეფერალს ტუბერკულოზის სავალდებულო გამოკვლევის ჩასატარებლად),ლატენტურ/აქტიურ ტუბერკულოზზე სპეციალური დიაგნოსტიკური კვლევისთვის;

4.4.3. მეთვალყურეობიდან დაკარგულ პაციენტებთან და პენიტენციური დაწესებულებებიდან გათავისუფლებულ პირებთან (რომლებიც იმყოფებოდნენ ტუბსაწინააღმდეგო მკურნალობაზე) მუშაობას;

- 4.4.4. მეთვალყურეობიდან დაკარგული პაციენტების მოძიებას და სერვისის მიმწოდებელ დაწესებულებაში მათ რეფერალს მკურნალობის გასაგრძელებლად, შესაბამისი საინფორმაციო და საგანმანათლებლო სამუშაოს ჩატარების გზით;
- 4.4.5. პენიტენციური დაწესებულებებიდან გათავისუფლებული ტუბსაწინააღმდეგო მკურნალობაზე მყოფ პირთა მოძიებას და დადგენას – გააგრძელებს თუ არა შესაბამისი მკურნალობა სამოქალაქო სექტორში, აგრეთვე, საჭიროების შემთხვევაში მათ რეფერირებას მკურნალობის გასაგრძელებლად.
- 4.4.6. დადგენილ ვადაზე ადრე ტუბერკულოზის საწინააღმდეგო მკურნალობაზე წყვეტილი პაციენტების მოძიებას და მკურნალობის პროცესში მათი ხელახლა ჩართვის ღონისძიებების განხორციელებას.
- 4.4.7. მიმწოდებლის მიერ აღნიშნული სამუშაო ხორციელდება შემსყიდველის ინდივიდუალური ორგანიზაციულ-სამართლებრივი აქტით დამტკიცებული (საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს საქართველოს შრომის, ჯანმრთელობისა და სოციალური დაცვის სამინისტროს ჯანდაცვის დეპარტამენტთან შეთანხმებული) წესის შესაბამისად, რომელიც განთავსებულია ცენტრის ოფიციალურ ვებგვერდზე - www.ncdc.ge.
- 4.5. ტუბერკულოზის კონტროლის შესახებ“ საქართველოს კანონის შესაბამისად, სჯდ ცენტრებზე განსაზღვრული ვალდებულებების შესრულებას;
- 4.6. სამოქმედო ტერიტორიაზე „C ჰეპატიტის მართვის“ სახელმწიფო პროგრამის სკრინინგული კვლევის კომპონენტის მიმწოდებელი სამედიცინო დაწესებულებებისთვის/ფიზიკური პირებისთვის ცენტრიდან მიღებული C ჰეპატიტის სკრინინგული ტესტებისა და სახარჯი მასალის გადაცემას მათთან წარდგენილი მოთხოვნების შესაბამისად. ამასთან, სახელმწიფო პროგრამის ფარგლებში გადაცემული ტესტ-სისტემები და სახარჯი მასალა გამოყენებული უნდა იქნეს მხოლოდ ამბულატორიული პაციენტების, დღის სტაციონარის პაციენტების (რომელთა სტაციონარში დაყოფნა არ აღემატება 24 საათს), სამედიცინო პერსონალის და ზოგადი პოპულაციის სკრინინგული კვლევებისთვის.
- 4.7. „C ჰეპატიტის მართვის“ სახელმწიფო პროგრამის განხორციელების (სკრინინგი) მხარდაჭერას მოსახლეობის ინფორმირებულობის და მობილიზაციის გზით;
- 4.8. ჯანმრთელობის დაცვის პრევენციული/პროფილაქტიკური პროგრამების (მ.შ. იმუნოზაცია, კიბოს სკრინინგი, უსაფრთხო სისხლი და ა.შ.) თაობაზე მოსახლეობის ინფორმირებას;
- 4.9. სახელმწიფო პროგრამების ფარგლებში მიღებული საქონლის „მარაგების მართვის ელექტრონულ მოდულში“ აღრიცხვას, მართვას და ანგარიშებას.

5. შესყიდვის ობიექტის გაწვევის ადგილი და პირობები

- 5.1 ხელშეკრულებით განსაზღვრული „მომსახურების“ გაწვევის ადგილია ადმინისტრაციულ-ტერიტორიულ ერთეულში შემავალი მუნიციპალური ერთეულების სამოქმედო ტერიტორია;
- 5.2 „შემსყიდველი“ ითვალისწინებს, რომ „მიმწოდებლისათვის“ სრულადაა ცნობილი დასახული ამოცანები და მათ შესასრულებლად გამოსაყენებელი ნორმატიული დოკუმენტაცია.

6. შესყიდვის ობიექტის მიწოდების პირობები, ადგილი, ფორმა და ვადები

- 6.1 განხორციელებული „მომსახურების“ მიწოდების ადგილი - თბილისი, კახეთის გზატკეცილი #99, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 6.2 გაწეული მომსახურების ანგარიშგების ადგილი - თბილისი, კახეთის გზატკეცილი #99, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 6.3. „მომსახურების“ ანგარიშგება ხორციელდება დადგენილების მე-9 მუხლით და წინამდებარე ხელშეკრულების მე-7 მუხლით განსაზღვრული ვადებისა და პირობების შესაბამისად.
- 6.4. „მომსახურების“ გაწვევის ვადაა 2024 წლის 1 იანვრიდან 2024 წლის 31 დეკემბრის ჩათვლით.

7. ანგარიშსწორების ფორმა და ვადები

- 7.1 ანგარიშსწორების ფორმა - უნაღლო ანგარიშსწორება.
- 7.2 ანგარიშსწორება განხორციელდება ლარებში.
- 7.3 ანაზღაურება განხორციელდება ხელშეკრულების ფარგლებში განსაზღვრული ერთი თვის ღირებულების მიხედვით.
- 7.4 „მიმწოდებელთან“ საბოლოო ანგარიშსწორება მოხდება შესყიდვის ობიექტის მიწოდებისა, ყოველთვიური მიღება-ჩაბარების აქტის ხელმოწერის, საანგარიშგებო დოკუმენტაციის ინსპექტირების დასრულებიდან 30 კალენდარული დღის ვადაში.
- 7.5 „მიმწოდებელი“ ყოველთვიურად წარმოადგენს ანგარიშს ნაბეჭდი და ელექტრონული (Sylfaen) სახით მის მიერ საანგარიშო პერიოდში გაწეული „მომსახურების“ (შესრულებული სამუშაოს) შესახებ თანდართული ფორმებით, რომელიც შეთანხმებული იქნება საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროსთან და განთავსებულ იქნება www.ncdc.ge ვებ-გვერდზე;

7.6 სტატისტიკური ინფორმაციის წარმოდგენა ხორციელდება „სამედიცინო სტატისტიკური ინფორმაციის წარმოების და მიწოდების წესის შესახებ“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2019 წლის 25 მარტის N01-26/ნ ბრძანებით განსაზღვრულ ვადებში შესაბამისი ფორმებით.

7.7 საადრიცხო, საანგარიშგებო ფორმების/დოკუმენტაციის წარმოდგენა “პროფილაქტიკური აცრების ეროვნული კალენდრის, იმ ინფექციური დაავადებების სიის, რომელთათვისაც სავალდებულოა პროფილაქტიკური აცრები და პროფილაქტიკური აცრების ჩატარების ასაკობრივი მაჩვენებლების, ვადებისა და იმუნიზაციის მართვის წესების დამტკიცების შესახებ” საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2019 წლის 16 სექტემბრის N01-60/ნ ბრძანებით განსაზღვრულ ვადებში შესაბამისი ფორმებით.

7.8 „მიმწოდებელი“ სრულად აგებს პასუხს მის მიერ მიწოდებული ანგარიშების უტყუარობაზე. „მიმწოდებელი“ ადგილზე ინახავს ანგარიშებს და პირველად დოკუმენტაციას დადგენილი წესის შესაბამისად. საჭიროების შემთხვევაში გაცნობისათვის პირველივე მოთხოვნისთანავე წარუდგენს „შემსყიდველს“.

8. შესყიდვის ობიექტის მიღება-ჩაბარების წესი

8.1 ხელშეკრულებით გათვალისწინებული პირობების სრული შესრულების შემდგომ ან/და გარკვეული ეტაპის დამთავრების შემდგომ მხარეებს შორის ფორმდება მიღება-ჩაბარების აქტი.

8.2 შესყიდვის ობიექტის მიღებისა და საბოლოო შემოწმების ადგილია: თბილისი, კახეთის გზატკეცილი #99, სსიპ - ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.

8.3 არასწორად ან/და არასრულად წარმოდგენილი ანგარიშსწორების ფორმა უბრუნდება „მიმწოდებელს“ და ეძლევა 2 სამუშაო დღე აღმოჩენილი ხარვეზების აღმოსაფხვრელად, ამასთან შედეგებზე იგი პერსონალურად აგებს პასუხს.

8.4 მიღება-ჩაბარების აქტის გაფორმებაზე და ინსპექტირების განხორციელებაზე პასუხისმგებლობა ეკისრება „შემსყიდველის“ უფლებამოსილ პირებს: საზოგადოებრივი ჯანდაცვის სახელმწიფო პროგრამების მართვისა და ანგარიშგების სამმართველოს უფროსს ვერა უთიაშვილს, სამმართველოს უფროს სპეციალისტს მიხეილ გელოვანს და შრომითი ხელშეკრულებით დასაქმებულ პირს მარიამ ბაკურაძეს, ხოლო მათი არ ყოფნის შემთხვევაში შესაბამისი მოვალეობის შემსრულებელ პირებს.

9. შესყიდვის ობიექტის ხარისხი

9.1 „მიმწოდებელი“ იძლევა “მომსახურების” შესაბამისი ხარისხის სრულ გარანტიას.

9.2 უხარისხო “მომსახურების” მთლიანად ან ნაწილის გამოსწორება ხდება “მიმწოდებლის” მიერ რაიმე დამატებითი ხარჯების მოთხოვნის გარეშე.

10. მხარეთა უფლება-მოვალეობები

10.1 „შემსყიდველი“ ვალდებულია:

10.1.1 არ დაუშვას ხელშეკრულების საფუძველზე მიღებული თანხების, ან აქტივების გამოყენება ძალადობის და/ან ტერორიზმის მიზნებისთვის ან ფულის გათეთრების საქმიანობების მხარდასაჭერად, და/ან იმ ორგანიზაციების მხარდასაჭერად, რომლებიც მხილებულნი არიან ტერორიზმის ან ფულის გათეთრების საქმიანობაში.

10.1.2 აუნაზღაუროს “მიმწოდებელს” გაწეული „მომსახურების“ ღირებულება.

10.1.3 მიაწოდოს “მიმწოდებელს” ინფორმაცია იმ დაწესებულებების თაობაზე, რომლებიც დარეგისტრირებულნი არიან (ან ავტომატურად ითვლებიან დარეგისტრირებულად) იმუნიზაციის პროგრამის ფარგლებში ვაქცინების, ასაღრელი მასალების, სპეც შრატების, ანტირაბიული სამკურნალო საშუალებების მიმღებად და დედათა და ბავშვთა ჯანმრთელობის პროგრამის ანტენატალური მეთვალყურეობის კომპონენტის მიმწოდებლებად სააგენტოდან მიღებული მონაცემების საფუძველზე, რომლებზეც უნდა მოხდეს ტესტირება და სახარჯი მასალების გადაცემა.

10.1.4 დაუყოვნებლივ აცნობოს “მიმწოდებელს” მომხდარ ცვლილებათა შესახებ, რომელიც შედის “შემსყიდველის” კომპეტენციაში და რომელიც შეიძლება ეხებოდეს ხელშეკრულების პირობებს.

10.2 “მიმწოდებელი” ვალდებულია:

10.2.1 არ დაუშვას ხელშეკრულების საფუძველზე მიღებული თანხების, ან აქტივების გამოყენება ძალადობის და/ან ტერორიზმის მიზნებისთვის ან ფულის გათეთრების საქმიანობების მხარდასაჭერად, და/ან იმ ორგანიზაციების მხარდასაჭერად, რომლებიც მხილებულნი არიან ტერორიზმის ან ფულის გათეთრების საქმიანობაში.

10.2.2 მიაწოდოს “შემსყიდველს” “მომსახურება”, რომელიც სრულად შეესაბამება ხარისხით და ყველა სხვა მონაცემებით “შემსყიდველის” დაკვეთას.

10.2.3 დაავადებათა ზედამხედველობის ელექტრონული ინტეგრირებული სისტემის ფუნქციონირებისათვის ინტერნეტ სერვისით უზრუნველყოფა.

10.2.4 აცნობოს “შემსყიდველს” ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.

10.2.5 დროულად შეასრულოს ხელშეკრულებით ნაკისრი ყველა ვალდებულებანი.

10.3 “შემსყიდველი” უფლებამოსილია:

10.3.1 გადასცეს “მიმწოდებელს” შესაბამისი პროგრამის/კომპონენტის ფარგლებში აუცილებელი მედიკამენტები, ტესტ-სისტემები და სახარჯი მასალები.

- 10.3.2 მოითხოვოს “მიმწოდებლისაგან” ხელშეკრულების ყველა პუნქტის უცილობელი შესრულება;
- 10.3.3 უარი განაცხადოს ხელშეკრულების პირობების შესრულებაზე იმ შემთხვევაში, თუ “მიმწოდებელი” დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა;
- 10.3.4 მოითხოვოს “მიმწოდებლისაგან” სათანადო განმარტებანი, დოკუმენტაცია, რომლის არსებობის გარეშე შეუძლებელი იყო “მომსახურების” გაწევა;
- 10.3.5 მიმართოს სასამართლოს ან სხვა ორგანოებს იმ შემთხვევაში თუ “მიმწოდებლის” ქმედების გამო იგი დგება ფაქტთან, რომ შეიძლება დაირღვეს სახელმწიფო ინტერესები, მოითხოვოს ზარალის სრული ანაზღაურება;
- 10.3.6 არ სცნოს “მიმწოდებლის” არცერთი ვალდებულება, რომელიც არაა განსაზღვრული ამ ხელშეკრულებით.
- 10.3.7 არ აანაზღაუროს სამოქმედო ტერიტორიაზე მუნიციპალურ ერთეულებში არსებული საზოგადოებრივი ჯანმრთელობის მომსახურების მიერ გაწეული “მომსახურება”, რომელთა ინსპექტირების დროს ისინი არაკორექტულად იქნა მიჩნეული;
- 10.3.8 არ აანაზღაუროს შესრულებული სამუშაო ხელშეკრულებით განსაზღვრული მომსახურების არასრულად შესრულების შემთხვევაში.
- 10.4 “მიმწოდებელი” უფლებამოსილია:
- 10.4.1 მოითხოვოს “შემსყიდველისაგან” მის მიერ მიწოდებული “მომსახურების” ღირებულების ანაზღაურება.
- 10.4.2 განაცხადოს უარი ხელშეკრულების შესრულებაზე ან გაგრძელებაზე იმ შემთხვევაში თუ “შემსყიდველის” მიერ სახელშეკრულებო პირობების შეუსრულებლობის გამო შეუძლებელი ხდება “მომსახურების” მიწოდება ან მის წინაშე დადგება დაუძლეველი ძალა.
- 10.4.3 აწარმოოს მოლაპარაკება “შემსყიდველთან” სახელშეკრულებო პირობებში კანონით დაშვებული ცვლილებების შეტანისათვის.
- 10.4.4 მიმართოს სასამართლოს ან სხვა ორგანოებს “შემსყიდველის” მიერ ხელშეკრულების პირობების დარღვევის გამო.
- 10.4.5. „დადგენილების“ მე-3 დანართის („ეპიდზედამხედველობის“ სახელმწიფო პროგრამა) მე-3 მუხლის „ა“ პუნქტის „ა.ა“ ქვეპუნქტის საფუძველზე, სამედიცინო მომსახურების მიმწოდებლებისგან მოითხოვოს სამედიცინო დოკუმენტაცია გადამდებ დაავადებებზე შესაძლო, სავარაუდო და დადასტურებული შემთხვევების შესახებ.

11. ხელშეკრულების პირობების შეუსრულებლობა (პირგასამტებლო)

- 11.1. ხელშეკრულებით ნაკისრი ვალდებულების ვადების დარღვევის შემთხვევაში „მიმწოდებელს“ ეკისრება პირგასამტებლოს გადახდა დარჩენილი გასაწევი „მომსახურების“ ღირებულების 0,05%-ის ოდენობით ყოველ ვადაგადაცილებულ დღეზე დაანგარიშებით.
- 11.2 ხელშეკრულებით გათვალისწინებული სხვა პირობების დარღვევის შემთხვევაში, „მიმწოდებელი“ ერთჯერადად იხდის პირგასამტებლოს ხელშეკრულების ღირებულების 2%-ის ოდენობით დარღვევის ყოველი ფაქტის დაანგარიშებით.
- 11.3. ხელშეკრულების მე-11 მუხლით გათვალისწინებული პირგასამტებლოს გარდა, ხელშეკრულებით ნაკისრი ვალდებულებების შეუსრულებლობისათვის საჯარიმო სანქციები რეგულირდება „დადგენილებით“.
- 11.4. იმ შემთხვევაში, თუ პირგასამტებლოს ჯამური თანხა გადააჭარბებს ხელშეკრულების ღირებულების 10%-ს შემსყიდველს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.
- 11.5 საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.
- 11.6. „შემსყიდველს“ შეუძლია ასევე მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:
- 11.6.1. თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „მომსახურება“;
- 11.6.2. თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „მომსახურების“ მიწოდება სრულად ან დადგენილ ვადებში;
- 11.6.3 თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე.
- 11.6.4. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.6.5. „მიმწოდებლის“ გაკოტრების შემთხვევაში.
- 11.7. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.
- 11.8. „მიმწოდებელი“ იღებს ვალდებულებას უზრუნველყოს პირგასამტებლოს თანხის გადახდა წერილობითი შეტყობინების მიღებიდან 10 (ათი) სამუშაო დღის განმავლობაში.
- 11.9. „მიმწოდებლის“ მიმართ პირგასამტებლოს დაკისრებისას, ორივე მხარის მიერ დარღვევის ფაქტის დადასტურების შემთხვევაში „შემსყიდველი“ უფლებამოსილია, მოახდინოს „მიწოდებული“ შესყიდვის ობიექტის ღირებულებიდან, „მიმწოდებლისთვის“ დაკისრებული პირგასამტებლოს ოდენობით თანხის გადარიცხვა საქართველოს კანონმდებლობის შესაბამისად სახელმწიფო ბიუჯეტის სასარგებლოდ.

12. ხელშეკრულების შესრულების კონტროლი

12.1. „მიწოდების“ მიერ ნაკისრი ვალდებულებების შესრულებაზე და შესაბამისად „მომსახურების“ მიზნობრივად გატარების შესახებ „შემსყიდველი“ უფლებამოსილია:

12.1.1. უშუალოდ განახორციელოს ხელშეკრულების შესრულების კონტროლი, რომელიც შეეხება ყოველთვიური „მომსახურების“ პერიოდს (ან „მომსახურების“ დასრულებულ ციკლს).

12.1.2. არ აანაზღაუროს ხელშეკრულების შესრულების კონტროლის შედეგად არაკორექტულად მიჩნეული გაწეული „მომსახურების“ ხარჯები მოქმედი კანონმდებლობის ფარგლებში.

12.1.3. განახორციელოს წარმოდგენილი დოკუმენტაციის შედარება „მიწოდების“ მიერ შეტყობინებისას დაფიქსირებულ მონაცემებთან და შემთხვევების შერჩევითი შემოწმების შედეგებთან (ასეთის არსებობის შემთხვევაში).

12.2. ხელშეკრულებით გათვალისწინებული საანგარიშგებო დოკუმენტების ინსპექტირების ვადა საანგარიშგებო დოკუმენტაციის წარდგენიდან არაუმეტეს 45 სამუშაო დღე.

13. ხელშეკრულების სხვა პირობები

13.1. მხარეები თანახმანი არიან ამ ხელშეკრულების დადების და შესრულების პერიოდში ერთმანეთისთვის გადაცემული და გადასაცემი მთელი ინფორმაცია მიიჩნიონ კონფიდენციალურ ინფორმაციად (ხოლო, კანონმდებლობით დაშვებულ ფარგლებში - კომერციულ საიდუმლოებად) და იღებენ ვალდებულებას არანაირი სახით არ გაახმაურონ კონფიდენციალური ინფორმაცია და არ გახადონ ის ხელმისაწვდომი მესამე პირისათვის, გარდა კანონმდებლობით გათვალისწინებული შემთხვევებისა.

13.2 მხარეები იღებენ ვალდებულებას მთლიანად აანაზღაურონ მეორე მხარისათვის კონფიდენციალური ინფორმაციის გახმაურებით გამოწვეული ზიანი.

13.3 ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შეთანხმებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

13.4 „მიწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

13.5. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა „სახელმწიფო შესყიდვების შესახებ“ საქართველოს კანონის, საქართველოს სამოქალაქო კოდექსით და კანონქვემდებარე აქტებით განსაზღვრული შემთხვევებისა.

13.6. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

14. სადაო საკითხების გადაწყვეტა

14.1. ხელშეკრულება შეიძლება შეწყდეს ერთ-ერთი მხარის მიერ, ცალმხრივად მეორე მხარის მიერ ხელშეკრულებით განსაზღვრული პირობების უხეში დარღვევის ან შეუსრულებლობის შემთხვევაში.

14.2 „შემსყიდველმა“ და „მიწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

14.3 თუ „შემსყიდველი“ და „მიწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

15. გამოსაყენებელი სამართალი

15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. ხელშეკრულების ენა

16.1. ხელშეკრულების ენა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცივდება მხარეთა შორის უნდა შეესაბამებოდეს სახელშეკრულებო პირობებს.

17. ურთიერთობა მხარეებს შორის

17.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. ხელშეკრულების მოქმედების ვადა

18.1 ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

18.2. ხელშეკრულების მოქმედების ვადა განისაზღვრება 2024 წლის 1 იანვრიდან 2025 წლის 31 მარტის ჩათვლით.

18.3. ურთიერთობა მხარეებს შორის წყდება ხელშეკრულების ვადის გასვლით და მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. დამატებითი პირობები

19.1 წინამდებარე ხელშეკრულება შედგენილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.

19.2 ხელშეკრულების მონაწილე მხარეებზე ვრცელდება აგრეთვე დადგენილებით გათვალისწინებული პირობები.

20. მხარეთა რეკვიზიტები

„შემსყიდველი“

სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“


მისამართი: თბილისი, კახეთის გზატკეცილი №99
საიდენტიფიკაციო კოდი 211324351

საბანკო რეკვიზიტები:

ქ. თბილისი, სახელმწიფო ხაზინა

კოდი TRESGE22

ანგარიშის # GE24 NB03 3010 0200 1650 22



„მიმწოდებელი“

ს(ა)იპ ჩოხატაურის მუნიციპალიტეტის საზოგადოებრივი ჯანდაცვის ცენტრი

მისამართი: ჩოხატაური, დუმბამის ქ. #20
საიდენტიფიკაციო კოდი 242008787

საბანკო რეკვიზიტები:

თბილისი, სახელმწიფო ხაზინა

კოდი TRESGE22

ანგარიშის #743967499

ინტერესთა კონფლიქტის არარსებობის ხელწერილი

„სახელმწიფო შესყიდვების შესახებ“ საქართველოს კანონის (მუხლი 8) და „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების (მუხლი 8) შესაბამისად ქვემოთ ხელისმომწერი პირები ვადასტურებთ, რომ „მიმწოდებელთან“ ურთიერთობა არ იწვევს ინტერესთა კონფლიქტს.

ვიზა:

ო. ნამიჭიშვილი

ვ. გეთია

ვ. უთიაშვილი

გ. ქობალაია

ლ. ებანოიძე

ნ. მარჯანიძე-თორაძე

კ. გულუა

მ. მახარაძე

მ. გელოვანი

მ. ბაკურაძე

ა. მეტრეველი

შემსრულებელი: ნ. აბაზაშვილი